




# COV KEV PAB MUAJ RAU XAIV THIAB TEJ KEV YUAV SIV PAB

Rhode Island Tej Kev Muaj Rau Xaiv Txog Kev Qhia Ntawv Rau Cov Menyuum Xiam-Oob-Khab Uas Ua Nruj Raws Li Txoj Cai thiab Tsis Ua Nruj Raws Li Txoj Cai thiab Tej Kev Yuav Pab Tau Siv Daws Tej Teebmeem



## Tej Kev Pab Lwm Yam Ntxiv:

### Rhode Island Department of Education (RIDE):

- Web site: [www.ride.ri.gov](http://www.ride.ri.gov)
- Tus xovtooj nabnpawb: 222-4600
- Loo-kam xyuas plaub ntug: 222-8979
- Call Center Rau Cov Menyuum Kawmntawv Xiam-Oob-Khab 222-8999
- Tseemfwm Qhov Chaw Tsa Los Kav Txoj Haujlwm: 222-4690
- Cov neeg siv TDD hu rau RI qhov chaw txuas xovtooj: 1-800-745-5555

### Koom-Haum Pab Pejxeem:

- Koom-Haum Txhawb Nqa Niam thiab Txiv (PSN): 467-6855 lossis 1-800-483-8844/[www.psnri.org](http://www.psnri.org)
- The Rhode Island Parent Information Network (RIPIN): 727-4144 lossis 1-800-464-3399/[www.ripin.org](http://www.ripin.org)
- Family Voices Rhode Island: 727-4144 lossis 1-800-464-3399/[www.ripin.org/fvri.html](http://www.ripin.org/fvri.html)
- Department of Human Services (Medicaid) Info Line: 462-5300/[www.dhs.ri.gov](http://www.dhs.ri.gov)
- Txog Ntawm Cov Tsevneeg CEDARR Family Center (CFC): 365-6855, 1-877-451-1046/[www.aboutfamilies.org](http://www.aboutfamilies.org)
- Txhawb Kom Tsevneeg Muaj Zog CFC: 365-6103, 1-888-881-6380 [www.empoweredfamilies.org](http://www.empoweredfamilies.org)
- Pab Daws Tsevneeg Tej Teebmeem CFC: 461-4351, 1-800-640-7283/[www.solutionscedarr.org](http://www.solutionscedarr.org)
- Tsevneeg Ua Ntej CFC: 444-7703

Nov yog tsab ntawv qhia kev rau cov tsevneeg thiab tej tubteg ua haujlwm rau tsev kawmntawv kom paub sib kho kom sib tau taub thaum muaj kev cov nyom txog tej teebmeem sib hais txog kev qhia ntawv rau cov menyuam xiam-oob-khab. Cov tsevneeg thiab cov tsev kawmntawv puav leej muaj tib lub homphiaj tias cov menyuam xiam-oob-khab yuav tsum tau txais kev kawmntawv pab dawb thiab kom zoo xws li lawm hom kev xiam-oob-khab toobkam (free and appropriate public education (FAPE)) nyob rau tej chaw uas txhob muab lawv cai tawm ntawm sawvdaws

heev (least restrictive environment (LRE)). Yeej paub zoo tias nyias muaj nyias tswvyim txawv tias yuav ua zaj twg thiaj yog, tiamsis qhov tseemceeb tshaj ces yog cov tsevneeg thiab cov tubteg hauv tsev kawmntawv yuav tsum paub los koomtes sib pab. Cov lus tom ntej no yog tej lus qhia rau cov tsevneeg thiab cov tubteg ntawm tsev kawmntawv txog tej kev muaj rau xaiv uas ua nruj raws li txoj cai thiab tsis ua nruj raws li txoj cai rau cov tsevneeg thiab tsev kawmntawv thaum lawv muaj kev covnyom txog kev qhia ntawv rau tus menyuam xiam-oob-khab.



**TEJ KEV PAB MUAJ RAU XAIV UAS TSIS UA NRUI  
RAWS CAI UAS SIV DAWS TEJ TEEBMEEM NTAWM  
COV TSEVNEEG THIAB COV CHAW TSWJFWM XYUAS  
TXOG TEJ TSEV KAWMNTAWV.**

Cov tsevneeg thiab tsev kawmntawv muaj cuab kav siv tej kev pab muaj rau xaiv uas tsis ua nrui raws li txoj cai los pab lawv kho lawv tej kev tsis haum xeeb txog ntawv kev pab qhia ntawv rau cov menyuam xiam-oob-khab. Tej kev pab muaj rau xaiv no kuj yog tej xws li:

- Tsevneeg thiab cov tubteg ua haujlwm hauv tsev kawmntawv tuaj sib ntsib sib tham kiag
- Thov kev pab ntawm Rhode Island Department of Education (RIDE) Office of Special Population Call Center Personnel.

Tsevneeg thiab cov tubteg ua haujlwm hauv tsev kawmntawv tuaj sib ntsib sib tham kiag: Hom kev daws teebmeem no mas feem ntau yog thawj txoj kev uas cov tsevneeg thiab cov tubteg hauv tsev kawmntawv siv los mus daws tej teebmeem. Siab xav mas xav kom cov tsevneeg los mus nrog tus tubteg hauv tsev kawmntawv uas paub zoo txog tej teebmeem no tshaj tham. Tus neeg no tejzaum kuj yog tus menyuam tus xibfwb, tus neeg ua haujlwm pab tus menyuam kiag lossis tus thawjcoj ntawm tej kev kawmntawv. Yog thaum sib tham nrog tus tubteg ua haujlwm ze tshaj rau tus menyuam no tham tag es tseem daws tsis tau tej teebmeem, ces cov tsevneeg yuav tsum hu rau tus tubteg ua haujlwm tus thawjcoj. Cov thawjcoj no kuj yog tej xwsl: tus thawjcoj ntawm lub tsev kawmntawv, tus thawjcoj ntawm cheebtsam tsev kawmntawv. Tsis tag li cov tsevneeg muaj cuabkav thov tej koom-haum ua haujlwm los pab daws tej teebmeem no. Yuav xav kom koom-haum muaj cai tham tau nrog tej tubteg hauv tsev kawmntawv mas niam thiab txiv yuav tsum sau ntawv tso kev rau ob tog tias tsev kawmntawv muaj cuabkav tso tau tej lus no tawm mas thiaj tham tau.

Thov Kev Pab Ntawm Rhode Island Department of Education (RIDE) Office of Special Population Call Center Personnel:

Lub Call Center no mas yog tsim sawv los ua tej lus ntaubntawv txog tej cai ntawm kev pab qhia ntawv rau cov menyuam xiam-oob-khab thiab teb tej lus txog tej cai thiab tej kev tiv thaiv uas muaj pab rau cov menyuam xiam-oob-khab uas tau txais kev kawmntawv pab phib-xej pab rau cov tsevneeg, cov tubteg ua haujlwm rau tsev kawmntawv thiab rau cov pejxeem. Tus tubteg hauv Lub Call Center yog pab cov neeg hu tuaj txog tej tswvyim tias yuav ua zaj twg thiaj li pab daws tau tej teebmeem, xws lis tej cai uas muaj rau tej pejxeem (tias yuav daws tej teebmeem li cas) tias yuav tsum ua li cas. Yog tias cov tubteg hauv lub Call Center pab daws tsis tau koj tej teebmeem, lawv mam li muab tus neeg hu tuaj ntawd xa mus rau tus neeg ua txog tej haujlwm no hauv RIDE lossis rau tej koom-haum lwm qhov pab daws. Qhov chaw Call Center mas yeej muaj neeg ua haujlwm nyob rau ntawm tus xovtooj 222-8999 thaum lub caij ua haujlwm. Cov hu tuaj uas toobkam TTY/TTD mas tejzaum yuav tsum tau hu rau Call Center ntawm 1-800-745-5555.



## TEJ KEV PAB MUAJ RAU XAIV UAS UA NRUJ RAWS LI TXOJ CAI UAS SIV DAWS TEJ TEEBMEEM NTAWM COV TSEVNEEG THIAB COV CHAW XYUAS TXOG TEJ KEV KAWMNTAWV

Feem ntau cov tsevneeg thiab tsev kawmntawv siv tej kev pab muaj rau xaiv uas tsis ua nruj raws li txoj cai xwb los yeej pab lawv daws tau teb teebmeem lawm. Tiamsis yog txoj kev pab muaj rau xaiv uas tsis ua nruj raws li txoj cai no ho daws tsis tau tej teebmeem, los nws kuj muaj txoj kev pab rau xaiv uas yog txoj ua nruj raws li txoj cai los mus pab cov tsevneeg thiab cov chaw tswjfwfwm xyuas cov tsev kawmntawv daws lawv tej teebmeem. Cov kev pab muaj rau xaiv no kuj raug piav nyob rau hauv qab no, xav toobkam siv sijhawm twg thiab hom twg ua ntej los yeej siv tau. Xub paub ua ntej tias qhov lossis cov teebmeem yog dab tsi thiab xav kom kho tau tej teebmeem li cas mas yuav pab tau kom paub tias yuav xaiv hom kev pab twg thiaj zoo tshaj. Yuav siv tej kev pab uas coj nruj raws li cai no mas yuav tsum yog hu mus rau Rhode Island Department of Education (RIDE) Special Populations Call Center ntawm 222-8999 ua qhov xub pib.

**Kam Siv Neeg Ua Tus Nyob Nruab Nrab Txuas Lus Kho Kom Haumxeeb:** Kam siv neeg ua tus nyob nruab nrab Txuas Lus kho kom haumxeeb mas yog ib txoj kev uas tsim los mus pab cov niam thiab txiv thiab tsev kawmntawv sib kho kom daws tau qhov teebmeem ntawm ob tog. Cov niam thiab txiv thiab qhov chaw ua haujlwm ntawm tsev kawmntawv ob tog yuav tsum pomzoo txaus siab kam cia ib tug neeg thib peb uas nyob nruab nrab tsis tuaj tog twg li (tus neeg nyob nruab nrab) ua tus los pab txuas lus kom ob tog hais haum. Cov neeg nyob nruab nrab no mas RIDE yog cov tsa sawv los ua cov hais, lawv ua dawb pab rau ob tog, lawv tau mus kawm tawm los kom paub mloog ob tog hais, thiab lawv pab txuas lus thiab txhawb nqa kom ob tog paub sib mloog hais thiab hais lus sib saib. Tsab ntawv sau, xee npe uas tus neeg nyob nruab nrab nrog hais es ob tog pomzoo ua mas yog tsab ntawv cog lus ntawm ob tog raws kev raws cai uas lub tsev hais plaub hauv xeev lossis hauv tseefwv tebchaws lav paub nrog. Kam siv tus neeg nyob nruab nrab txuas lus kho kom haumxeeb no mas xav thov ua ntej lossis ua qab thaum twb thov tsa neeg los mloog zaj teebmeem lawm los yeej thov tau, thiab xav tias kam siv tus neeg nyob nruab nrab los pab txuas lus kho kom haumxeeb no mas yog dua ib txog kev uas yuav pab kho kom ob tog los sib ntsib sib tham es thiaj muaj chaw mus yog tias ob tog pomzoo yuav siv tus neeg no.

**Kam Tsa Ib Tus Neeg Sawv Cev Nyob Nruab Nrab Mloog Tej Teebmeem:** Kam tsa ib tug neeg sawv cev nyob nruab nrab mloog tej teebmeem mas yog ib hom kev mloog plaub ntug uas ua raws lajkam kev cai, uas RIDE yog qhov tsa ib tug ceevxwm ua tus los mus zaum mloog nrooj teebmeem. Cov niam thiab txiv thiab qhov chaw tswjfwfwm tsev kawmntawv muaj cai nrhiav cov tub teg hais plaub ntug ua tus sawv cev ntawm lawv los tau. Thaum mloog tej lus tag, mas tus tub ceevxwm yuav sau rau hauv ntawv txog qhov nws txiav txim lossis muab lus pomzoo txog qhov cov niam thiab txiv thiab qhov chaw tswjfwfwm tsev kawmntawv txaus siab ua. Yog pom tau tias niam thiab txiv tau hais tuaj tias lawv xav kom tsa ib tug neeg sawv cev nyob nruab nrab los mloog tej teebmeem, mas qhov chaw tswjfwfwm tsev kawmntawv yuav tsum teem ib lub Rooj Sib Ntsib Daws Tej Teebmeem rau niam thiab txiv tuaj sib tham saib puav yuav muaj peevxwm xub kho tau tej teebmeem.

**Lub Rooj Sib Ntsib Daws Teebmeem:** Yog pom tau tias niam thiab txiv tau hais tuaj tias lawv xav kom tsa ib tug neeg sawv cev nyob nruab nrab los mloog tej teebmeem, mas qhov chaw tswjfwfwm tsev kawmntawv yuav tsum teem ib lub Rooj Sib Ntsib Daws Tej Teebmeem rau niam thiab txiv tuaj sib tham saib puas yuav muaj peevxwm xub kho tau tej teebmeem. Lub Rooj Sib Ntsib Daws Teebmeem mas yog ib lub rooj sib tham ntawm cov niam thiab txiv, pawg tubteg ua haujlwm xyuas txog tus menyuam zaj kev kawmntawv (Individualized Education Program (IEP)), thiab tus sawv cev ntawm qhov chaw tswjfwfwm txog cov tsev kawmntawv txog tej teebmeem, saib puas yuav muaj kev kho tau qhov teebmeem. Tsab ntawv sau, xee npe pomzoo txog tej ob tog txaus siab kam ua nyob rau hauv lub rooj sib ntsib daws teebmeem mas yog tsab ntawv cog lus ntawm ob tog raws kev raws cai uas lub tsev hais plaub hauv xeev lossis hauv tseefwv tebchaws lav paub nrog. Ob tog muaj cuab kav xaiv tias nkawd tsis toobkam yuav muaj lub rooj sib ntsib daws teebmeem es cia lis hla mus rau qhov siv tus neeg ua tus nyob nruab nrab txuas lus kho kom haumxeeb thiab/lossis cia li hla mus siv qhov tsa ib tug ceevxwm sawv cev nyob nruab nrab mloog tej teebmeem. Cov tubteg hais plaub ntug xav nkag nrog xyuas tej teebmeem nyob rau lub rooj sib ntsib daws teebmeem los yeej tau; tiamsis; qhov chaw tswjfwfwm tsev kawmntawv tsis lam hais kom lawv tus neeg hais plaub ntug tuaj nrog mloog nrog xyuas, tsuas ntshais tias tog niam thiab txiv muaj tus tubteg hais plaub tuaj mas tsev kawmntawv thiaj yuav caw lawv tus tuaj.

**Tus Cai Phua 60 Hnub Rau Xyuas Txog Tej Lus Tsis Txaus Siab Ntawm Kev Kawmntawv Rau Menyuum Xiam-Oob-Khab:** Yog leejtwg, xws li niam thiab txiv, ib tug neeg leejtwg lossis koom-haum xav tias tej loo-kam ua haujlwm rau pejxeem lossis tej chaw tswjfwfwm tej tsev kawmntawv ua dab tsi txhaum tseemfww tebchaws lossis tseemfww hauv zos txoj cai txog menyuum xiam-oob-khab mas lawv muaj cuabkav ua ntawv tsis txaus siab xa tuaj rau RIDE. Cov lus tsis txaus siab ntawd yuav tsum muab sau rau hauv ntawv, xee npe rau thiab xa mus rau Office of Special Populations thiab qhov chaw tswjfwfwm txog cov tsev kawmntawv. Tos luag muab hu ua Lus Tsis Txaus Siab 60 Hnub los yog vim RIDE muaj 60 hnub taug xyuas saib qhov lus tsis txaus siab ntawd yog li cas, es yuav tsum txiavtxim saib yuav ua zaj twg. Yog tshawb pom tias tsev kawmntawv yeej tau ua tsis yog kev yog cai, mas tejaum tsab ntawv yuav hais kom qhov chaw tswjfwfwm tsev kawmntawv qhia saib lawv yuav ua zaj twg los mus kho qhov tau ua txhaum kev txhaum cai ntawd.

Yog xav paub tej lus hais txog kam yuav siv ib tug neeg ua tus nyob nruab nrab txuas lus kho kom haumxeeb, tsa ib tug ceevxwm sawv cev nyob nruab nrab los mloog tej teebmeem, thiab ua ntawv tsis txaus siab, mas yuav tsum hu rau Call Center ntawm 222-8999 lossis ua ntawv xa tuaj rau ntawm: RIDE/Office of Special Populations, 255 Westminster Street, Providence, RI 02903-3400.

Cov ntaubntawv yuav siv thiab yog muaj lus dab tsi xav paub ntxiv txog kam nrhiav ib tug neeg ua tus nyob nruab nrab txuas lus kho kom haumxeeb, tsa ib tug ceevxwm sawv cev nyob nruab nrab mloog tej teebmeem, lossis pab ua ntawv tsis txaus siab mas muaj nyob rau hauv RIDE qhov web site ntawm: [www.ride.ri.gov/Special\\_Populations/Dispute\\_resolution](http://www.ride.ri.gov/Special_Populations/Dispute_resolution)

Yog muaj lus dab tsi xav paub ntxiv txog tej cai hais txog kev kawmntawv pab rau cov menyuum xiam-oob-khab, mas thov xyuas hauv phau ntawv "Procedural Safeguards for Special Education". Koj lub tsev qhia ntawv kuj muaj cov phau ntawv no thiab tejaum lawv kuj muaj nyob rau hauv chav tsev kawmntawv qhov web site rau koj siv.